

## SECCION AMENA

### IYA ASERRETUBAN.

—Gogoratuko aiz i  
orain iru egun,  
onek zer gezurchuak  
kontatu zizkigun.  
Bada aundiagua  
askotaz dik sortu;  
jura patatachua  
nai ziguna sartu!  
Perikok aitua dezan  
gezur zelebria,  
José konta zak berriz.  
—¡Eztet nai ordia!  
—¿Mutill orrengatikan  
orla jarri biak?  
Periko, nik neronek  
kontatuko diat.  
Zera, lengo batian  
zereko atetik,  
pasa nai omentzikan  
batera bestetik;  
eta zegüelako  
atia zabala  
¿etziran bada esan  
pasa eziñ zala?  
Eta ez pentsa dala  
au kontu guztiya;  
pasako omenuben  
baldiñ da ichiya

egondu izan bazan.  
¿Zer deizkiyok ori?  
onek bai chinbolatzen  
gaitubela ongi,  
—¿Nai dek i ez aizela  
ate artatikan,  
zabalikan badago  
pasatzen chutikan?  
Baita Migel-ek ere  
non dagon bazekik.  
—Lajakiyok Migel-i  
eta esantzak ik.  
Onek bai dizkigula  
ederrak ematen,  
¿zergatik zéiñ ate dan  
ezdek ik esaten?  
Demonie patatas;  
Periko e! orri,  
etzigukan nai ziri  
charra sartu guri.  
—¿Nai alde sekigiduban  
zeiñ dan esatia?  
—Bai mutill!—Bai? kayeko  
*Dike-ko* atia.  
—Oi, oi, bazekiagu  
ori orla dala,  
baña uste genikan  
beste zerbait zala.

VICTORIANO IRAOLA.